

# **REGULAMENTO DE RÉXIME INTERNO DO CENTRO DE INVESTIGACIÓN EN TECNOLOXÍAS DE TELECOMUNICACIÓN (atlanTTic)**

(Aprobado por acordo do Consello de Goberno da Universidade de Vigo con data  
do 25/09/2023)

## **Índice**

Preámbulo

Capítulo preliminar: disposicións xerais

Capítulo I. organización e gobernanza

Capítulo II. Persoal do Centro

Capítulo III. Funcionamento

Capítulo IV. Política de publicación e visibilización do Centro

Disposición final

Anexo I. Listaxe do PDI con vinculación permanente adscrito ao Centro

Anexo II. Composición inicial do comité científico

Anexo III. Criterios iniciais do persoal investigador

## **Preámbulo**

A Lei orgánica de universidades 6/2001 (LOU) reconece a necesidade de proporcionar estruturas axeitadas para a actividade investigadora, as organizacións públicas de investigación e as universidades do sistema público español. Indica que as universidades poden crear libremente os seus propios centros de apoio á investigación que, ligados a centros docentes, escolas ou facultades, ou integrados en parques científicos e tecnolóxicos que as universidades foran quen de crear, permitan a consolidación de estruturas de I+D+i preexistentes.

Dentro do Plan estratéxico da Universidade de Vigo e enmarcado dentro da estratexia de investigación e transferencia, de potenciación das actividades de I+D+i, a Universidade de Vigo creouatlanTTic en 2010, inicialmente como «Centro de Investigación en Tecnoloxías da Información e das Comunicaci3ns» e posteriormente como «Centro de Investigación en Tecnoloxías de Telecomunicaci3n». Foi recoñecido pola Xunta de Galicia como agrupaci3n estratéxica consolidada en 2016 (DOG núm. 234, do 9 de decembro de 2016) e como Centro de Investigación do Sistema Universitario de Galicia en 2019 (DOG núm. 7, do 13 de xaneiro de 2020).

## **Capítulo preliminar. Disposicións xerais**

### Artigo 1. Constitución e natureza

O Centro de Investigación en Tecnoloxías de Telecomunicación (atlanTTic) é recoñecido como centro de investigación da Universidade de Vigo na sesión ordinaria do Consello de Goberno con data do 11 de xuño de 2010.

atlanTTic está adscrito organicamente á Vicerreitoría de Investigación da Universidade de Vigo.

### Artigo 2. Réxime xurídico

A súa actividade réxese por:

- A Lei orgánica de universidades e as súas disposicións regulamentarias.
- A Lei 5/2013, do 30 de maio, de fomento da investigación e da innovación de Galicia.
- A Lei 14/2011, do 1 de xuño, da ciencia, da tecnoloxía e da innovación.
- Normativa de grupos, agrupacións e centros de investigación da Universidade de Vigo, 26 de xuño de 2019 modificado o 2 de marzo de 2023.
- O presente regulamento de réxime interno.

### Artigo 3. Obxecto do regulamento

O presente regulamento de réxime interno, aprobado polo Consello de Goberno da Universidade de Vigo, con data do 25 de xuño de 2021, establece as normas de funcionamento, organización e os órganos de goberno de atlanTTic.

### Artigo 4. Finalidade

A finalidade do Centro é promover a investigación no campo das tecnoloxías das telecomunicacións é posicionarse como un centro de referencia neste campo no ámbito mundial. Para iso ten os seguintes obxectivos fundamentais:

- Formación e contratación do mellor persoal investigador do sector.
- Atraer proxectos de I+D no ámbito europeo e internacional.
- Excelencia investigadora.
- A transferencia de coñecemento e de tecnoloxías á sociedade e ao tecido industrial.

### Artigo 5. Obxectivos

Adicionalmente, fíxanse os seguintes obxectivos específicos dentro do ámbito das tecnoloxías das telecomunicacións:


- Realizar investigacións de calidade.
- Promover e levar a cabo procesos de captación e de retención de talento, tanto no ámbito nacional coma internacional.
- Impulsar a formación de persoal investigador, fomentando a finalización de doutoramentos.

- Promover a calidade das publicacións como o mellor indicador de excelencia na investigación.
- Posicionarse e consolidarse como un centro de excelencia nos principais foros internacionais de investigación.
- Contribuír ao desenvolvemento institucional, rexional, nacional e internacional dentro do ámbito.
- Promover a transferencia de coñecemento e de tecnoloxías á sociedade e ao tecido industrial.
- Contribuír a reducir o desequilibrio entre homes e mulleres no ámbito, así como no liderado do proxecto.

## Capítulo I. Organización e gobernanza

### Artigo 6. Órganos de goberno

O director/a liderará a gobernanza do Centro, que contará co apoio dun subdirector/a se o estima conveniente, así como dun comité de dirección e dun comité científico. A actividade estará supervisada pola comisión reitora de centros de investigación da Universidade de Vigo e pola denominada comisión científica asesora externa.



### Artigo 7. Dirección

O reitor/a nomeará o/a director/a do centro por un período de catro anos, prorrogable outros catro anos máis, de entre o persoal PDI do Centro e por proposta da comisión reitora, e co informe favorable da comisión científica asesora externa.

As súas funcións serán as seguintes:

- Xestionar o Centro e representalo.
- Promover e fomentar as relacións entre o Centro e as institucións, organismos públicos e empresas co fin de promover a rendibilidade científica dos investimentos.
- Asistir ás reunións da comisión reitora por petición expresa desta.
- Organizar e coordinar os medios materiais e persoais dispoñibles para o bo funcionamento do Centro.
- Executar o orzamento, coa autorización dos diferentes pagamentos dentro dos límites establecidos pola comisión reitora e segundo a normativa da Universidade de Vigo.
- Propoñer a contratación de persoal do Centro.
- Elaborar a memoria anual de actividades.
- Preparar a planificación estratéxica do centro e o deseño de medios para a súa implementación e o seu seguimento.
- Trasladarlle ao persoal investigador as pautas axeitadas para que a actividade do centro se adapte ao seu plan estratéxico e aos obxectivos científicos nel contidos.
- Nomear un subdirector/a e definir as funcións dese posto.
- Colaborar nos procesos de avaliación externa do Centro.
- Traballar para cumprir o código de boas prácticas do Centro por parte de todos os seus membros, tomando as medidas ao seu alcance.
- Xestionar o espazo dispoñible do centro entre o persoal investigador.
- Calquera outra función que lle sexa encomendada expresamente pola comisión reitora.

O/A director/a do Centro cesará no seu cargo:

- Por petición propia.
- Por revogación da comisión reitora.
- Por causa legal.
- Por termo do seu mandato.

#### Artigo 8. Subdirector/a do centro

Será nomeado/a polo/a director/a, o/a cal definirá as súas funcións. Por delegación, vacante ou enfermidade, exercerá as funcións propias do/da director/a.

#### Artigo 9. Comité de dirección

O comité de dirección realizará funcións de apoio á dirección do Centro. Estará composto polo director/a, o/a subdirector/a e non máis de catro persoas con tarefas de responsabilidade de xestión ou de promoción da investigación no Centro. Entre as súas tarefas estará asesorar a dirección na toma de decisións, así como colaborar na planificación estratéxica do Centro.

## Artigo 10. Comité científico

O comité científico está presidido polo director/a e integrado polo subdirector/a, que actuará como secretario/a, e por persoal investigador principal das liñas de investigación do Centro (a composición actual do comité científico encóntrase no anexo II).

As funcións do comité científico serán:

- Asesorar e propoñer accións que permitan mellorar as relacións do centro con institucións, organismos públicos e empresas.
- Propoñer melloras nas prestacións e no funcionamento do Centro.
- Asesorar sobre as prioridades na adquisición de infraestruturas comúns.
- Propoñer estratexias de colaboración externas e internacionais.
- Suxerir programas de formación e de divulgación.
- Colaborar na elaboración da memoria anual do Centro.
- Aprobar o plan estratéxico do centro.
- Aprobar a incorporación de novos membros ao Centro.
- Propoñerlle á comisión reitora candidatos/as a director/a.
- Suxerir a realización de novas infraestruturas ou a mellora das existentes.
- Propoñer a modificación do regulamento do Centro.
- Crear ou modificar as normativas internas de funcionamento do Centro (entre as que están a normativa de funcionamento do propio comité científico e da comisión científica asesora externa).
- Aumentar ou diminuír o número de persoas investigadoras principais do comité científico.

O comité científico poderá crear as comisións e os grupos de traballo específicos que estime conveniente para o estudo, o informe ou a resolución de asuntos concretos.

O comité científico deberá reunirse polo menos unha vez ao trimestre. A secretaría redactará a acta dos asuntos tratados e será posta a disposición de todos os membros do Centro.

## Artigo 11. A comisión reitora

A comisión reitora estará formada de acordo a normativa de grupos e centros de investigación da Universidade de Vigo. (A composición de dita comisión na data de redacción deste regulamento atopase no anexo IV)

A comisión reitora terá, entre outras, as seguintes funcións:

- Propoñerlle ao reitor/a o nomeamento e a destitución do director/a do Centro, e establecer os mecanismos para a súa selección.
- Aprobar ou nomear un subdirector/a en nome do director/a.
- Propoñerlle ao Consello de Goberno da Universidade de Vigo a modificación do presente regulamento de réxime interno.
- Aprobar o plan estratéxico do centro e as súas modificacións.

- Arbitrar os mecanismos para avaliar o cumprimento dos obxectivos do Centro, entre os que se atopan a aprobación da comisión científica asesora externa.
- Aprobar as accións correctoras que se deban adoptar despois da análise do informe realizado pola comisión científica asesora externa.
- Aprobar as adscricións e as desadscricións do persoal universitario, contando cos informes da comisión científica asesora externa e calquera outro que se poida recoller.
- Traballar para axudar o Centro a dispoñer de espazos e de recursos físicos para desenvolver o seu traballo nas mellores condicións posibles.

#### Artigo 12. A comisión científica asesora externa (CAE)

A comisión científica asesora externa será un órgano consultivo composto por persoal investigador de recoñecido prestixio internacional no ámbito das tecnoloxías de telecomunicación, así como na xestión de centros e de unidades de investigación de excelencia.

A comisión reitora nomeará os seus membros, por proposta do/da director/a do Centro, por un período renovable de catro anos. As funcións da comisión científica asesora externa incluírán as seguintes:

- Proporcionarlles recomendacións estratéxicas á comisión reitora e subsidiariamente ao director/a do centro sobre as actividades de investigación e de innovación deste, así como sobre a súa organización, co fin de cumprir a súa misión.
- Axudar ó/á director/a e ó comité de dirección no seguimento dos resultados do Centro.
- Avaliar periodicamente a actividade científica das persoas investigadoras, que se utilizará para tomar decisións sobre a retirada e a incorporación de investigadores/as ao Centro, co procedemento que se establece con este propósito e que o persoal investigador deberá coñecer.

A comisión científica asesora externa deberá reunirse polo menos unha vez ao ano, e escollerá entre os seus membros o/a presidente/a e o/a secretario/a.

## Capítulo II. Persoal do Centro

#### Artigo 13. Persoal investigador

As persoas investigadoras do Centro serán:

- O persoal docente e investigador da Universidade de Vigo asignado en función da súa investigación no ámbito das tecnoloxías de telecomunicación e que amose unha boa capacidade investigadora. A citada capacidade quedará acreditada cumprindo os criterios aprobados pola comisión científica asesora externa. Estes criterios terán en conta a categoría profesional da persoa avaliada (os criterios actuais atópanse no anexo III).

- O persoal investigador contratado mediante convocatorias públicas de contratación de recursos humanos ou contratado para acadar os obxectivos do Centro de acordo coa lexislación vixente e coa normativa da Universidade de Vigo.

Considerase os seguintes tipos de membros:

- Persoal investigador propio: aquel persoal que cumpra os criterios de adscrición de atlanTTic.
- Persoal investigador asociado: aquel persoal que incumpra os criterios de adscrición un ano. De non cumprilos ao seguinte ano, deixaran de ser membros de atlanTTic e poderán pasar a persoal investigador colaborador. O persoal investigador asociado poderá facer uso de todas as infraestruturas e axudas específicas do Centro, pero non poderán liderar ningún tipo de petición interna, incluíndo as infraestruturas.
- Persoal investigador colaborador: aquel persoal que colabora puntualmente con actividades de investigación organizadas polo centro.

O persoal docente e investigador da Universidade de Vigo asignado antes da aprobación deste regulamento figura no anexo I. Unha vez aprobado este regulamento, procederase a aplicar os criterios de adscrición (anexo III) para establecer o persoal investigador propio e asociado.

A devandita asignación suporá unha dedicación ao Centro de toda a súa actividade investigadora na Universidade de Vigo.

#### Artigo 14. Adscrición ao Centro

As novas incorporacións ao Centro de persoal docente e investigador realizaranse mediante a invitación dalgún dos membros do comité científico. As persoas convidadas estarán autorizadas a investigar por conta da Universidade de Vigo e deberán cumprir co especificado no artigo anterior (artigo 13). O comité científico deberá aprobar a súa incorporación.

A adscrición do persoal investigador ao Centro implicará o compromiso de aceptar as regras específicas do seu funcionamento a través do presente regulamento.

#### Artigo 15. Perda da condición de membro de atlanTTic

A citada adscrición de persoal investigador pode rematar:

- Por petición da comisión reitora, baseándose nas recomendacións da comisión científica asesora externa ou do/da director/a por incumprimento grave do presente regulamento.
- Por petición da persoa interesada, por calquera motivo, cunha antelación de tres meses.
- Pola perda de vínculos coa Universidade de Vigo.

- Polo incumprimento dos criterios de asignación expresados no primeiro parágrafo do artigo 13 durante dous anos consecutivos.
- Aquele persoal investigador que incumpra os criterios de adscrición un ano pasará a ser investigador/a asociado/a.

#### Artigo 16. Persoal de apoio

O centro contará con persoal de apoio asignado a el ou contratado temporalmente para unha obra ou un servizo específico, e que realizará tarefas de apoio técnico e administrativo. O/A director/a do centro será a persoa encargada de identificar as necesidades deste tipo de persoal e de propoñer a súa contratación segundo a lexislación vixente e a normativa da Universidade de Vigo.

### Capítulo III. Funcionamento

#### Artigo 17. Réxime económico

A Universidade de Vigo, tal e como indica a normativa de centros, subscribirá un programa soporte ao centro que xestionará o director/a. O Centro e o seu persoal administrativo levará o control, de acordo coa normativa vixente.

Consideraranse como ingresos do centro os seguintes:

- As axudas obtidas a través de convocatorias públicas ás que poida concorrer o Centro.
- As axudas, subvencións e doazóns concedidas ao centro por organismos ou por entidades públicas e por particulares.
- Os ingresos da Universidade de Vigo establecidos nos correspondentes programas soporte, que estarán relacionados cos custos indirectos asociados ás actividades de investigación do persoal asignado, así como os establecidos a través doutras partidas incluídas nos orzamentos da Universidade.

#### Artigo 18. Xestión de espazos e de equipos

O Centro contará cos espazos físicos necesarios para realizar o seu labor investigador e serán asignados por resolución reitoral segundo a normativa en vigor. O director/a do Centro tramitaralos segundo os procedementos internos establecidos para tal fin. O Centro xestionará o equipamento necesario, desde a súa necesidade de compra ata o seu mantemento e uso.

#### Artigo 19. Modelo de avaliación e de seguimento

A avaliación do centro realizarase *ex post*, polo menos mediante os seguintes mecanismos:

- Avaliación anual por parte da comisión reitora, que analizará a evolución da investigación e da actividade económica en relación co plan estratéxico do Centro, facendo uso da memoria anual do centro e dunha presentación do/da director/a.

- Avaliacións periódicas, por parte da comisión científica asesora externa, do persoal investigador da Universidade de Vigo asignado ao centro, polo menos unha vez cada catro anos e preferentemente con máis frecuencia. A comisión reitora utilizará tales avaliacións para tomar decisións sobre a continuidade da adscrición, a través dun procedemento que previamente coñecerán as persoas investigadoras.
- Avaliación global periódica, por parte da comisión científica asesora externa, cada catro anos aproximadamente. Esta consistirá nunha análise rigorosa da actividade e da organización do Centro, co fin de axudar na toma de decisións en materia de planificación estratéxica, uso de espazos e de infraestruturas, orientación temática da investigación e incluso da continuidade do Centro como tal. O informe entregáraselle á comisión reitora.

## **Capítulo IV. Política de publicación e visibilización do centro**

### **Artigo 20. Sinatura científica e afiliación**

Co obxectivo de poder crear plans de comunicación e de divulgación propios, os centros contan coa capacidade de xestionar e de fortalecer a súa imaxe institucional, axeitándose ás liñas marcadas pola Universidade de Vigo na medida do posible. Así pois, o persoal investigador deatlanTTic deberá facer constar a súa adhesión ao Centro en calquera publicación ou difusión de resultados científicos, aparición nos medios de comunicación e, en xeral, en todos os documentos xerados por razón da súa actividade: publicacións, patentes, convenios, contratos, presentacións..., independentemente de que se inclúan outras afiliacións adicionais (departamento, facultade, etc.).

Deberase incluír o acrónimo «atlanTTic» para facilitar a recompilación automática de información a partir de fontes de datos diversas, seguindo o protocolo de sinatura científica da Universidade de Vigo:

atlanTTic, Universidade de Vigo [grupo de investigación] 36310 Vigo, España

En ningún caso se poderá empregar a imaxe corporativa do Centro con outros fins, agás que se conte coa autorización expresa da dirección.

### **Artigo 21. Igualdade de xénero**

O centro aplicará con carácter transversal en todas as súas actividades políticas as medidas axeitadas para eliminar calquera desigualdade, directa ou indirecta, entre homes e mulleres, en coordinación coa Unidade de Igualdade da Universidade de Vigo.

## **Disposición final**

Este regulamento entrará en vigor ao día seguinte da súa publicación polo Consello de Goberno da Universidade de Vigo.

## Anexo I. Listaxe do PDI con vinculación permanente adscrito ao centro

|    | <b>Apelidos</b>      | <b>Nome</b>               |
|----|----------------------|---------------------------|
| 1  | Aguado Agelet        | Fernando Antonio          |
| 2  | Alba Castro          | José Luis                 |
| 3  | Álvarez Sabucedo     | Luis Modesto              |
| 4  | Anido Rifón          | Luis Eulogio              |
| 5  | Arias Acuña          | Alberto Marcos            |
| 6  | Blanco Fernández     | Yolanda                   |
| 7  | Burguillo Rial       | Juan Carlos               |
| 8  | Caeiro Rodríguez     | Manuel                    |
| 9  | Cardenal López       | Antonio José              |
| 10 | Comesaña Alfaro      | Pedro                     |
| 11 | Costa Montenegro     | Enrique                   |
| 12 | Cuiñas Gómez         | Íñigo                     |
| 13 | Curty Alonso         | Marcos                    |
| 14 | De Lorenzo Rodríguez | María Edita               |
| 15 | Díaz Otero           | Francisco Javier          |
| 16 | Díaz Redondo         | Rebeca Pilar              |
| 17 | Docampo Amoedo       | Domingo                   |
| 18 | Docío Fernández      | Laura                     |
| 19 | Fernández Barciela   | Mónica                    |
| 20 | Fernández Bernárdez  | José Ramón                |
| 21 | Fernández Iglesias   | Manuel José               |
| 22 | Fernández Veiga      | Manuel                    |
| 23 | Fernández Vilas      | Ana                       |
| 24 | Fraile Peláez        | Francisco Javier          |
| 25 | García Mateo         | Carmen                    |
| 26 | García Sánchez       | Manuel                    |
| 27 | García Soidán        | María del Pilar Hortensia |
| 28 | García-Tuñón Blanca  | Inés                      |
| 29 | Gil Castiñeira       | Felipe José               |
| 30 | Gil Solla            | Alberto                   |
| 31 | Gómez Araujo         | Marta                     |
| 32 | González Castaño     | Francisco Javier          |
| 33 | González Valdés      | Borja                     |
| 34 | Hermida Domínguez    | Ramón Carmelo             |
| 35 | Herrería Alonso      | Sergio                    |
| 36 | Isasi de Vicente     | Fernando Guillermo        |
| 37 | Llamas Nistal        | Martín                    |
| 38 | López Ardao          | José Carlos               |
| 39 | López Bravo          | Cristina                  |
| 40 | López García         | Cándido                   |
| 41 | López Nores          | Martín                    |
| 42 | López Valcarce       | Roberto                   |

|    |                     |                |
|----|---------------------|----------------|
| 43 | Machado Domínguez   | Fernando       |
| 44 | Martín Herrero      | Julio          |
| 45 | Martín Rodríguez    | Fernando       |
| 46 | Mikic Fonte         | Fernando Ariel |
| 47 | Mojón Ojea          | Artemio        |
| 48 | Mosquera Nartallo   | Carlos         |
| 49 | Navarro Medina      | Fermín         |
| 50 | Obelleiro Basteiro  | Fernando       |
| 51 | Pastoriza Santos    | Vicente        |
| 52 | Pazos Arias         | José Juan      |
| 53 | Pérez Fontán        | Fernando       |
| 54 | Pérez González      | Fernando       |
| 55 | Pino García         | Antonio        |
| 56 | Rodríguez Banga     | Eduardo        |
| 57 | Rodríguez Hernández | Pedro Salvador |
| 58 | Rodríguez Pérez     | Miguel         |
| 59 | Rodríguez Rodríguez | José Luis      |
| 60 | Rodríguez Rubio     | Raúl F.        |
| 61 | Rubiños López       | José Óscar     |
| 62 | Santalla del Río    | María Verónica |
| 63 | Santos Gago         | Juan Manuel    |
| 64 | Sobreira Seoane     | Manuel Ángel   |
| 65 | Sousa Vieira        | Estela         |
| 66 | Suárez González     | Andrés         |
| 67 | Torio Gómez         | Pablo          |
| 68 | Torres Guijarro     | María Soledad  |
| 69 | Vázquez Alejos      | Ana María      |
| 70 | Vera Isasa          | María          |

## **Anexo II. Composición actual do comité científico**

Martín Llamas Nistal (director de atlantTic)

Yolanda Blanco Fernández (subdirectora de atlantTic)

Fernando Aguado Agelet

José Luis Alba Castro

Juan Carlos Burguillo Rial

Rebeca Pilar Díaz Redondo

Mónica Fernández Barciela

José Ramón Fernández Bernárdez

Manuel José Fernández Iglesias

Ana Vázquez Alejos

José Carlos López Ardao

Roberto López Valcarce

José Juan Pazos Arias

Óscar Rubiños López

**Anexo III. Criterios **actuais** do persoal investigador** (aprobados pola CAE na súa reunión de 20 de xaneiro de 2023).

O PDI con vinculación permanente deberá ter publicado polo menos 3 artigos en revistas de alta relevancia (JCR Q1-Q2) nos últimos 6 anos.

Un destes 3 artigos pode ser substituído por:

- Ser Investigador/a Principal dun proxecto de investigación competitivo a nivel nacional.
- Ser Investigador/a Principal dun proxecto europeo competitivo ou ser líder dalgún paquete de traballo dun proxecto europeo competitivo.
- 2 artigos en revistas de relevancia media (JCR Q3).

Excepcionalmente poderanse considerar outros méritos. Neste caso, os investigadores e as investigadoras presentarán un CVA (CV abreviado de 4 páxinas) máis unha páxina adicional explicando a súa excepcionalidade. Este CVA será enviado á CAE que o avaliará e decidirá ao respecto.

**Anexo IV. Composición da comisión reitora dacordo a normativa de grupos e centros de investigación da Universidade de Vigo aprobado no consello de goberno de 2 de marzo de 2023**

- O reitor/a da Universidade de Vigo.
- O vicerreitor/a de Investigación da Universidade de Vigo.
- O Xerente/a da Universidade de Vigo.

- O/A representante da Xunta de Galicia e a representación doutras institucións e entidades públicas ou privadas que contribúan de forma significativa ao sostemento do Centro e que participen nos seus obxectivos.
- O/A representante do Consello Social da Universidade de Vigo.
- O/A director/a do Centro.